



Bou ons kinders vir môre

Sondagskool 4

Lestitel: Jesus Christus is gebore

'n Ouerhandleiding

Sondagskooltuisonderrig



Liewe Ouer

Welkom by die les: “**Jesus Christus is gebore**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Jesus Christus is gebore
Bybelwoord	Jesaja 9: 6-7, Jesaja 11: 1-5, Jesaja 53: 4-5, Miga 5: 2, Lukas 1: 26-29 en Lukas 2: 1-20
Lesdoelwit	Die kinders leer dat God sy beloftes nakom. Hulle is bly dat God uit liefde sy Seun die wêreld ingestuur het om die mens te verlos.

Lesopsomming:

- In opdrag van God het die profete Jesaja en Miga die geboorte van 'n Verlosser voorspel honderde jare voordat dit werklik gebeur het.
- Toe God die Verlosser wou stuur, het 'n engel aan die maagd Maria die nuus gedeel dat sy 'n seun sou baar wat deur die Heilige Gees geskep is.
- Op daardie stadium het die Romeinse keiser beveel dat almal na hul onderskeie geboorteplekke moes reis om vir belastingdoeleindes geregistreer te word.
- Maria, wat binnekort haar eerste kind verwag het, en haar verloofde Josef, moes gevolglik na Bethlehem reis.
- Daar is die Seun van God in die armste omstandighede gebore.
- Daardie nag het 'n engel aan die herders in die veld die blye boodskap van die geboorte van die Heiland meegedeel.
- Hulle het Maria en Josef in 'n stal aangetref met die baba wat in 'n krip lê, toegedraai in stukke lap, net soos die engel vir hulle gesê het.
- Die herders het teruggegaan veld toe en God geprys vir wat hulle gehoor en gesien het. Dit was net soos die engel vir hulle gesê het.

Wat beteken hierdie les vandag vir ons?

- Jesus is die Seun van God, ons Verlosser en Hy is ons geskenk van God.
- God het sy belofte van 'n Verlosser nagekom en sy Seun gestuur.
- Ons wag ook op die vervulling van Sy belofte om terug te keer om ons te kom haal om ewige gemeenskap met God te hê.
- Deur Jesus Christus is ons met God verbind.



Sommige vrae wat ons kan vra:

1. Wat is deur die profete Jesaja en Miga voorspel honderde jare voordat dit eintlik gebeur het?

Antwoord: Die geboorte van Jesus Christus.

2. Wie het vir Maria gesê sy 'n seun sal baar?

Antwoord: 'n Engel.

3. Waar was Maria en Josef se geboorteplek?

Antwoord: Bethlehem.

4. Is dit waar dat Jesus in Nasaret gebore is?

Antwoord: Nee, hy is in Betlehem gebore.

5. Kom God sy beloftes na?

Antwoord: Ja, God het sy seun Jesus Christus gestuur soos Hy belowe het.

6. Watter ander belofte het God gemaak wat nog nie gebeur het nie?

Antwoord: Hy het belowe om sy Seun te stuur om ons as sy bruid te kom haal.

'n Gebed vir Pappa en Mamma om voor die les te bid:

Liewe God, baie dankie vir hierdie dag, Seën alle ouers en kinders

Mag ons u teenwoordigheid aanvoel

Seën die les wat ons gaan hê, Leer ons hoe om U te dien

En help ons om u wil te doen, Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.